



TOLOSAKO
UDALA

GOBERNU BATZARRA

2018.10.29

Alkatea:

Olatz Peon Ormazabal

Bertaratutako zinegotziak:

Patxi Amantegi Zubiria

Nerea Letamendia Belloso

Jokin Azkue Arrastoa

Iñigo Alonso Sarasibar

Idazkaria:

Begoña Garmendia Vazquez

Kontuhartzailea:

Ainhoa Molinos Zubiaurre

Tolosako Udaletxean, bi mila eta hemezortziko urriaren hogeita bederatzian, 08:00etan, Tokiko Gobernu Batzarra bildu da ohiko bilera egiteko. Mahaiburua alkatea izan da, eta alboko zinegotziak agertu dira, eguneko gai-zerrenda aztertzeko.

1. Aurreko akta onartzea.
2. Emendek Arraun elkarteari 2018an emandako diru-laguntzaren zuriketa onartzea.
3. Otsabi auzo elkarteari 2017ko diru-laguntzaren zuriketa onartzea.
4. Tolosaldeako enpresek langabezian duden pertsonak kontratatzeko 2018 ekitaldirako Lanbidek sustatutako diru-laguntzen deialdia onartzea.
5. 57/2018 eta 58/2018 faktura-zerrendak.

1. AURREKO AKTA ONARTZEA.

Alkateak bilerari hasiera eman ondoren, 2018ko urriaren 22an egindako batzarreko akta aztertu dute. Batzarkideek aho batez onartu dute akta.

2. EMENDEK ARRAUN ELKARTEARI 2018AN EMANDAKO DIRU-LAGUNTZAREN ZURIKETA ONARTZEA.

Emendek arraun elkarteak 2018ko San Blas jaietako jardueren memoria aurkeztu dio Tolosako udalari urte honetako martxoaren 26an gobernu batzarrak erabakitako diru-laguntza zuritu eta jaso ahal izateko.

Aurkeztutako memoriaren azterketa eginda, honoko ondorioak atera dira:

- 1) Jardueren memoria egokia da eta behar bezala dokumentatzen du egindako lana.
- 2) Gastu eta sarreraren zerrenda ondo aurkeztua dago eta egitasmoan aurkeztu zutenari erantzuten dio.
- 3) Aurkezten diren gastuak legearen arabera subentzionagarriak dira.
- 4) Fakturen zerrenda ondo aurkeztuta dago, aurkeztutako ordainketa- agiri guztiak zuzenak direlarik.
- 5) Aurkeztutako faktura originalek esleitutako diru-laguntzaren kopurua estaltzen dute.

Hori guztia kontuan izanik eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Onartzea Emendek arraun elkarteari 2018ko diru-laguntza ordaintzea.

BIGARRRENA.- Erabaki honen berri ematea Kultura, Gazteria eta Festa Departamentuari eta Kontuhartzaitzari.

3. OTSABI AUZO ELKARTEARI 2017KO DIRU-LAGUNTZAREN ZURIKETA ONARTZEA.

Otsabi auzo elkarteak 2017ko jardueren memoria aurkeztu dio Tolosako udalari 2018ko urriaren 16an Gobernu batzarrak gobernu batzarrak 2017ko otsailaren 13an erabakitako 4.425 euroko diru-laguntza zuritu eta jaso ahal izateko.

Aurkeztutako memoriaren azterketa eginda, honoko ondorioak atera dira:

- 1) Jardueren memoria egokia da eta behar bezala dokumentatzen du egindako lana.



TOLOSAKO
UDALA

- 2) Gastu eta sarreren zerrenda ondo aurkeztua dago eta egitasmoan aurkeztu zutenari erantzuten dio.
- 3) Aurkezten diren gastuak legearen arabera kontzentragarriak dira.
- 4) Fakturen zerrenda ondo aurkeztuta dago, aurkeztutako ordainketa- agiri guztiak zuzenak direlarik.
- 5) Aurkeztutako faktura originalek esleitutako diru-laguntzaren kopurua estaltzen dute.

Hori guztia kontuan izanik eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENA.- Onartzea Otsabi auzo elkarteari 2017ko diru-laguntza ordaintzea.

BIGARRENA.- Erabaki honen berri ematea Kultura, Gazteria eta Festa Departamentuari eta Kontuhartzaitzari.

4. TOLOSALDEAKO ENPRESEK LANGABEZIAN DUDEN PERTSONAK KONTRATATZEKO 2018 EKITALDIRAKO LANBIDEK SUSTATUTAKO DIRU-LAGUNTZEN DEIALDIA ONARTZEA.

Aurrekariak:

1. Lanbide-Euskal Enplegu Zerbitzuak onartu zuen Enplegu Sustapeneko Tokiko Ekintzetarako Diru-laguntzen deialdia zeina Lanbideko Administrazio Kontseiluak onartu zuen 2018ko ekainaren 12an egindako bilkuran (2018eko ekainaren 13an argitaratu zen EHAA).n).
2. Tolosako Udalak 2018ko uztailaren 11an aurkeztu zuen Eskualdeko Enplegu-programako diru-laguntzen eskaera Lanbide-Euskal Enplegu Zerbitzuaren aurrean.



TOLOSAKO
UDALA

3. Tolosako Udalak urriaren 9an jaso zuen laguntzaren ebazpena, hain zuzen, 299.007,84 euro, eta horietatik 265.000,00 euro bideratzen dira mota 1 eta mota 2ko kontratazioetarako eta 34.007,84 euro mota 3ko kontratazioetarako.
4. Tolosaldea Garatzen S.A. garapen-agentziak egingo duen Enplegunea 2018 azokaren bitartez, azaroaren 15ean 48 lanpostu eskainiko zaizkie eskualdeko langabetuei enplegu-eskaintza publikoen bidez.

Hori guztia kontuan izanik eta udal teknikariak egindako proposamena aztertu ondoren, Gobernu Batzar honek, aho batez eta alkateak emandako ahalmenez baliatuta,

ERABAKI DU

LEHENEA.- Deialdia onartzea, Tolosaldeako enpresek langabezian dauden pertsonak kontrata ditzaten Lanbidek 2018/2019 ekitaldirako sustaturiko diru-laguntzak jaso ahal izateko. Deialdiaren testua ondokoa da:

Deialdia

TOKIKO ENPRESEK ETA ENTITATEEK LANGABEZIAN DAUDEN PERTSONAK KONTRATATZEKO LAGUNTZEN DEIALDIA, EHAA 2018/06/20EAN ARGITARATUTAKO ENPLEGUA SUSTATZEKO TOKI-EKINTZETARAKO 2018KO DIRU-LAGUNTZEN DEIALDIAREN ANPAROAN.

1.- Araudi Erregulatzailea.

-
- Lanbide-EEZko Zuzendari Nagusiaren ebazpena, 2018ko ekainaren 13koa, Enplegua Sustatzeko Toki-Ekintzetarako Diru-laguntzen ginean (EHAA 2018/06/20).
-
- Diru-laguntzen gaineko 38/2003 Lege Orokorra, azaroaren 17koa (BOE 2003/11/18).
-
- 887/2006 Errege Dekretua, ekainaren 21ekoa, Diru-laguntzen gaineko Lege Orokorren Erregelamendua onartzen duena (BOE 2006/07/25).
-
- Tolosako Udalaren eta bere Erakunde Publikoen Diru-laguntzen Ordenantza Orokorra. (GAO 2017/07/7).
-

2.- Deialdiaren helburua.

*Lanbide-Euskal Enplegu Zerbitzuan inskribatuta dauden **48 pertsona** langabetu kontratatzeko erraztasunak ematea Tolosaldea eskualdeko enpresa eta tokiko entitateei.*

Honela banatuko dira kontratuak:

Mota 1: 2 kontratu

Mota 2: 40 kontratu

Mota 3: 6 kontratu

3.- Aurrekontu baliabideak.

Deialdi honetan aurreikusitako mota 1 teko diru-laguntzak 25.000 €-ko zenbatekoa dutenak urteko udal aurrekontuko 1100.422.01.241.00.2018 partidaren kargura finantzatu da. Mota 2koa 240.000€ zenbatekoa dutenak 1100.471.01.241.00.2018 partidaren kargura eta azkenik, 3 motakoa 34.007,84 euroko zenbatekoa dutenak 100.471.01.241.00.2018 partidaren kargura finantzatu da. Diru-kopuru hori Lanbide – Euskal Enplegu Zerbitzuak enplegua sustatzeko toki-ekintzetarako 2018ko diru-laguntzen deialdiari buruzko 2018ko urriaren 3ko ebazpenean emandako diru-laguntzatik dator.

4.- Laguntzaren zenbatekoa

1. MOTA

Guztira: 2 kontratu

Gehieneko laguntza izango da 12.500 euro lan-kontratu bakoitzeko.

Diru-laguntza horien bidez ordainduko da hainbat gastu, tartean, kontratatutako pertsonen soldata-kostuak eta gizarte-segurantzakoak, kontratu-amaierako kalte-ordainak eta gizarte-segurantzako kuota barne direla (tokiko erakundearen edo enpresa kontratatzailearen kargura), 6 hileko kontratazioaren gehieneko muga izanik. Ondorioz, diru-laguntzaren zenbatekoa, guztira, ezin izango da izan kostu horien % 100 baino handiagoa.

2. MOTA

Guztira: 40 kontratu

Diru-laguntzaren gehieneko zenbatekoa hau izango da: lanaldi osoko sei hileko edo gehiagoko lan-kontratu bakoitzeko, gehienez 6.000 eurokoa.

Denbora partzialeko kontratuen edo hiru eta sei hilabete bitartekoen kasuan, diru-laguntza lanaldiaren edo lan egindako denboraren proportzionala izango da.

Laguntzaren amaierako zenbatekoak ez dira izango enpresak kontratatutako pertsonen truke ordaindu beharreko soldata-kostuen eta gizarte-segurantzako gastuen % 75 baino handiagoak.

3. MOTA

Guztira: 6 kontratu

a) 5 kontratu lanaldi osokoak sei hileko edo gehiagoko lan-kontratu bakoitzeko, gehienez 6.000 eurokoa diru-laguntzarekin.

b) Kontratu 1, lanaldi osokoa lau hilekoa eta gehienezko 4007,84 euroko diru-laguntzarekin.

Laguntzaren amaierako zenbatekoak ez dira izango enpresak kontratatutako pertsonen truke ordaindu beharreko soldata-kostuen eta gizarte-segurantzako gastuen % 75 baino handiagoak.

5.- Erakunde onuradunak eta beren betebeharrak.

Erakunde onuradunek honako betebeharrak hauek bete beharko dituzte:

- Erakundearen helbide soziala Tolosaldean egotea .*
- Zigor larri irmorik ez izatea aukera-berdintasuneko arloan (Sektore Publikoko Kontratuen Legearen Testu Bateginaren 60.1 artikulua, eta Emakumeen eta gizonen berdintasun eragingarriko martxoaren 22ko 3/2007 Lege Organikoaren hamalagarren xedapen osagarria).*
- Indarrean dauden legeria eta laneko arautegiak zein laneko arriskuen prebentziokoak betetzea.*
- Eskabideko lan-baldintzak eta soldatak bermatzea, bat etorrira bete beharreko lanpostuari dagokion lanbide-kategoriarekin, aplikatu beharreko sektoreko edo enpresako hitzarmenaren arabera.*
- Bermatzea emakumeen eta gizonen arteko berdintasun arloko eginbeharrak betetzen direla.*
- Berehala jakinaraztea Tolosako Udalari diru-laguntzaren xedeari eragiten dion edozein aldaketa edo gorabehera. Era berean, Tolosako Udalari ematea segimendu eta kontrol egokia egiteko diru-laguntzaren esleipenaren inguruan eskatzen dituen datu edo informazio guztiak.*

6.- Eskakizunak eta Kontratazio-mota

Kontratazioek honako ezaugarri hauek eduki behar dituzte:



TOLOSAKO
UDALA

- *Diruz lagundutako epeak izan behar du, gehienez, 6 hileko kontratazioa, eta deialdiaren eremuaren barruan egon behar du.*
- *Kontratuen iraupena izango da, gutxienez, 3 hilabete. Edozein kontratazio-mota onartuko da, prestakuntzarako eta ikasketarako kontratua izan ezik.*
- *Kontratuak izan litezke lanaldi osokoak edo lanaldi mugatukoak, gutxienez lanaldiaren %50arekin.*
- *Kontratazioak egingo dira langabetuekin, baldin eta kontratazio-unean Lanbide-Euskal Enplegu Zerbitzuan lan-eskatzailerak gisa inskribatuta badaude eta 2018ko ekainaren 21ean Euskal Herriko Autonomia Erkidegoan erroldatuta, lehentasunezkoa delarik Tolosaldea eskualdeko udalerri batean egotea.*
- *Kontratazio-multzoak bermatu behar du emakumeen kontratazioa, zeina gutxienez programako kontratazio guztien %40 izango den.*
- *Ez izatea ahaidetasun-harremanik enpresaburuaren edo enpresaren kontrola duten, edo zuzendaritzako edo, hala badagokio, Administrazio Kontseiluko kideen ezkontidearekin, oinordekoarekin eta gainerako senideekin, odol- edo ezkontza-ahaidetasuneko bigarren mailaraino, hura barne. Hori egiaztatzeko enpresak erantzukizunpeko adierazpen bat aurkeztu behar du (I. Eranskina).*
- *Aurreko deialdietan lan-harremanik eduki ez izana kontratu egiten duen enpresarekin edo tokiko entitatearekin.*
- *Kontratazio horiek enplegu-sorrera garbia ekarri behar dute berekin, diruz lagunduko den kontratuaren xede den pertsona lanean hasi aurre-aurreko 3 hiletan enpresak batez beste duen langile kopuruaren gainean.*

Halaber, 1., 2. eta 3. MOTako kontratuak bete beharko dituzte Lanbide – Euskal Enplegu Zerbitzuko Zuzendari Nagusiaren 2018ko ekainaren 13ko ebazpenaren 6.1, 6.2 eta 6.3 apartatueta ezarritako baldintzak. Ebazpen hori 2018ko ekainaren 20ko EHAAn argitaratu zen.

7.- Aurkezteko tokia eta epea

Aurkezteko tokia:

- Tolosako udaletxeko erregistroan (Plaza Zaharra z/g 20400 Tolosa).
- Online tramitazioa: erregistro elektronikoaren bidez:

Aurkezteko epea: 7 egun natural, iragarki hau Gipuzkoako Aldizkari Ofizialean argitaratu eta hurrengo egunetik kontatzen hasita.

Aurrekontu-krediturik egonez gero, onartu ahal izango dira data hori pasa ondoren, baina urte barruan aurkeztutako eskabideak eta kreditu hori agortu arte .

Behin eskabideak hartzeko epea bukatuta, Udalak emango du eskatutako emakidari dagokion ebazpena.

Kontratu guztiak sinatuta egon behar dute abenduak 31a baino lehen.

8.- Aurkeztu beharreko dokumentazioa

8.1. Enpresa eta tokiko entitateak:

a) Kontratazioa egin aurretik

- Kontu korrontearen zenbakiko titularitate agiria
- Bere zerga-betebeharrak DIRU-LAGUNTZAK egunean dituelako ziurtagiria (Ogasuna).
- Enpresa Gizarte Segurantzako ordainketak egunean dituela egiaztatzen duen agiria.
- Kontratazio-kostuen aurreikuspena
- Bikain/Bai Euskarari ziurtagiria (baldin badauka).

Kontratazioa egin eta, gehienez, bi eguneko epean.

- Langilearen GZko alta-agiriak
- Kontratuaren zein Lanbideri egindako jakinarazpenaren 2na kopia.
- Alta egoeran dauden batez besteko langile kopuruaren bi txosten (GZko RED sistema), enpresak Euskal Erkidego Autonomoan dituen lantegi guztiena: Bata, kontratatutako pertsonak enpresan alta izandako egunaren aurreko hiru hilabeteko aldiari dagokiona; bestea, kontratazio-egunari dagokiona.
- Lan bizitzaren txostena (kontratazio-eguneko kotizazio-kontuko kotizazio-kode bera).

b) Kontratazioa bukatutakoan, honako dokumentazio hau aurkeztu beharko du 35 eguneko epean:

- Nominen eta ordainketa-frogagiriaren kopiak
- Bajen kopiak (G.Z.)
- Gizarte Segurantzari egindako kotizazioaren buletinaren kopiak (TC1 eta TC2), hilabete guztietakoak, eta ordainketa-frogagiriak.



TOLOSAKO
UDALA

- Bere zerga-betebeharrak DIRU-LAGUNTZAK egunean dituelako ziurtagiria (Ogasuna).
- Gizarte Segurantzako Diruzaintza Nagusiaren ziurtagiri eguneratua, enpresak erakunde horrekiko betebeharrak egunean dauzkala egiaztatzen duena.
- Kontratazioko soldaten kostuen ziurtagiria (sinadura eta zigilua)
- Kontratututako pertsonaren ebaluazio-fitxa.

8.2. Langabetuek:

- Errolda-ziurtagiria, Tolosan erroldatutakoek izan ezik
- Lanbide-Euskal Enplegu Zerbitzuaren ziurtagiri bat, azalduz langabezian dagoela eta izena emateko aldiak.
- Hazila eta Txertatu programan parte hartu badute ziurtagiria.
- NANaren kopia

9.- Diru-laguntzak emateko prozedura eta baloratzeko-irizpideak.

Laguntzak lehiaketa bidez emango dira, ondorengo puntuetan ezarritako prozedura eta balorazio-irizpideak aplikatuta, aurrekontu-zuzkidura eta 2. puntuaren ezarritako laguntza-programako kontratazio-kopuru osoa agortu arte.

Kanpoan utziko dira deialdi honetan ezarritako baldintzak betetzen ez dituzten eskabideak.

Eskabideak baloratzeko irizpideak

Barkazioa honako irizpide hauen arabera egingo da:

- Kontratuak 6 hilabete baino gehiagoko iraupena badu: puntu 1
- 55 urtetik gorako pertsona bat kontratatzeagatik: puntu 1.
- Emakumeak kontratatzeagatik: 2 puntu.
- Eskualdeko langabetuak kontratatzeagatik: 1 puntu.
- Hazilan eta Txertatu programetan parte hartu duen pertsona bat kontratatzeagatik: 1 puntu.
- Tolosaldea Garatzenek antolatutako Enpleagunea 2.017 programan parte hartu ez duten enpresek: puntu 1 gutxiago.
- Bikain edo Bai Euskarari euskararen kalitate-ziurtagiria: 1 puntu.
- Enpresa eskatzaileak 2017 – 2018ko laguntzen deialdian langabetuak kontratatzeke diru-laguntza bat lortu badu: puntu 1 gutxiago.

10.- Akatsen zuzenketa. (Administrazio Publikoen Administrazio Prozedura Erkidearen urriaren 1eko 39/2015 Legearen 68. artikulua)

Diru-laguntzaren eskaerak ez baditu deialdi honetan exijitutako baldintzak betetzen, edo ez badauka exijitutako dokumentazioa erantsita, interesdunari errekerimendua egingo zaio 10 lan eguneko epean falta zuzentzeko edo aurkeztu ez dituen nahitaezko dokumentuak eramateko, eta adieraziko zaio ezen, hala egin ezean, eskaeran atzera egindakotzat joko dela eta eskabidea artxibatu egingo dela beste tramiterik gabe.

11.- Diru-laguntzaren ordainketa eta dokumentazio justifikatzailea

Lehenbiziko ordainketa, %55, 8.1a eta 8.2 puntuetan aipatutako dokumentazioa aurkeztu ondoren.

Diru-laguntzaren %45, 8.1b puntuan aipatutako dokumentazioa aurkeztu ondoren.

Bigarren zatiaren ordainketa, Lanbide – Euskal Enplegu Zerbitzuaren ebazpena jaso ondoren egingo da.

12.- Prozedura instruitzeko eta ebazteko organo eskuduna

BALORAZIO - MAHAIA

Tolosako Udaleko Ekonomiaren Sustapeneko departamentua izango da diru-laguntza hauek emateko prozedura instruituko duena. Departamentu horrek egingo ditu, osatutako espedienteak aztertu eta ebaluatu ondoren eta Tolosaldea Garatzen eskualdeko garapen agentziak egindako proposamena kontuan harturik, egindako ebaluazioaren emaitza zehazten duten txostenak. Txosten horiek erabakiko dute zein diren diru-laguntza jasoko duten pertsonak edo enpresak, bai eta horietako bakoitzari emango zaion diru-laguntzaren kopurua.

Balorazio-mahaia honako kide hauek osatuko dute:

- *Mahaiburua: Tolosako Udaleko Ekonomiaren sustapeneko batzordeko burua.*
- *Mahaikideak: kontratatzeko laguntzen programaren arduradun teknikoa, enplegu-saileko eskualdeko teknikari bat, enpresa-saileko teknikari bat.*
- *Idazkaria: Tolosako Udaleko Ekonomiaren sustapeneko departamentuko administraria.*

Balorazio-mahaiaren funtzioa izango da aurkeztutako eskabideak deialdi honen arabera baloratzea eta diru-laguntzak emateko proposamena egitea. Horretaz gain, justifikazio-proposamenen gaineko txostena ere egingo du.

Tokiko Gobernu Batzarrak ebatziko ditu eskabideak, behin horretarako osatu den balorazio-mahaiak baloratuz gero.

13.- Beste laguntza batzuekin bat etortzea.

Deialdi honetan jasotako 1. Motako laguntzak bateratu daitezke kontzeptu eta xede bererako administrazio edo erakunde publiko edo pribatuek emandako beste edozein motatako diru-laguntza edo laguntzekin; hala ere, bestelako finantzaketa-iturrien bidez eskuratutako laguntza edo baliabideen guztirako zenbatekoak ezin izango du gainditu diruz lagunduko diren jardueren benetako kostua. Kostu hori gaindituz gero, diru-laguntzaren zenbatekoa murriztuko da.

Deialdi honetako 2. eta 3. motetako laguntzak ezin izango dira bateratu kontzeptu eta helburu berberetarako emandako beste edozein motatako diru-laguntza edo laguntzekin, Gizarte Segurantzak emandako hobariekin izan ezik.

14.- Ez-betetzeak

Baldin-eta baldintzaren bat, edozein dela ere, enpresaren edo enpresa horrek kontratatutakoaren erruz betetzen ez bada eta ez-betetze horrek berekin emandako diru-laguntzaren murrizketa bat badakar, diru-laguntzaren jasotzaileari jasanaraziko zaio behar den murrizketarekin eta haren proportzioan.

15.-Errekurtsoak

Diru-laguntzen deialdia onartzen duen erabakia behin betikoa da bide administratiboan. Haren aurka, aukerako berraztertze-errekurtsoa jar liteke Administrazioarekiko Auzi-errekurtsoa jarri aurretik, hilabete bateko epean; edo, bestela, Administrazioarekiko Auzi-errekurtsoa jar liteke Donostiako Administrazioarekiko Auzien Epaitegian, bi hilabeteko epean, bi epeak kontatuko direlarik deialdi hau Gipuzkoako Aldizkari Ofizialean argitaratu eta hurrengo egunetik kontatzen hasita. Hala ere, egoki iritzitako beste edozein errekurtsu edo ekintza ere baliatu litezke.

Laguntza-deialdi honetan espresuki jaso ez den guztietarako, ebazpen honetan xedatutakoari erabaki honi jarraitu behar zaio: LANBIDE-EUSKAL ENPLEGU ZERBITZUKO ZUZENDARI NAGUSIAREN EBAZPENA, zeinaren bidez argitara eman baitzen Enplegua Sustatzeko Toki Ekintzetarako deialdia (EHAAn 2018ko ekainaren 20an argitaratua).

16.- Izaera pertsonaleko datuak babestea.

Diru-laguntzaren eskabidea aurkeztuta, erakunde eskatzaileak bere adostasuna ematen du eta adierazten du deialdian ezarritako baldintza guztiak betetzen dituela eta deialdiaren zehaztapen guzti-guztiak onartzen dituela.

Era berean, adierazten du ezen eskabide-orrian azaltzen diren Datu Pertsonal guztiak bere baimenarekin jaso direla eta onartzen duela datu horiei informatika-trataera bat ematea eta baimena ematen duela datu horiek bakar-bakarrik udal-kudeaketarako erabiltzea, eta datuok utzi edo jakinarazi dakizkiela beste Administrazio Publikoei eta beren Erakundeei, Europako Parlamentuaren eta Kontseiluaren 2016ko apirilaren 27ko 2016/679 (EB) Datuak



TOLOSAKO
UDALA

Babesteko Erregelamendu Orokorrean aurreikusitako kasuetan, 6. 1 e. artikuluan jasotakoarekin bat etorrira.

BIGARRRENA.- Deialdia Gipuzkoako Aldizkari Ofizialean argitaratzea.

HIRUGARRRENA.- Erabaki honen berri ematea Enplegu Departamentuari eta Kontuhartzailetzari.

5. 57/2018 ETA 58/2018 FAKTURA-ZERRENDAK.

Kontuhartzailetak **57/2018** faktura-zerrenda aurkeztu du. Kopuru osoa: **3.160,17€.**

Hortaz, zerrenda aztertutik, Gobernu Batzar honek, aho batez, eta alkateak emandako ahalmenez baliatuta,

ERABAKI DU

LEHENA.- **57/2018** faktura-zerrenda onartzea.

BIGARRRENA.- Onarpenaren berri ematea Kontuhartzailetzari.

.....

Kontuhartzailetak **58/2018** faktura-zerrenda aurkeztu du. Kopuru osoa **67.033,78 €.**

Hortaz, zerrenda aztertutik, Gobernu Batzar honek, aho batez, eta alkateak emandako ahalmenez baliatuta,

ERABAKI DU

LEHENA.- **58/2018** faktura-zerrenda onartzea.

BIGARRRENA.- Onarpenaren berri ematea Kontuhartzailetzari.

Eta besterik gabe, bilera amaitutzat jo da 09:00etan.



TOLOSAKO
UDALA

ALKATEA

IDAZKARIA